

# Pfizer Koob Tshuaj COVID-19 Rau Cov Tsis Tau Muaj 18 Xyoo

11/3/2021

Lub sijhawm no, Pfizer koob tshuaj COVID-19 thiaj li yog tib koob tshuaj COVID-19 uas tau muaj kev tshawb fawb thiab pom zoo txhaj rau cov menyuam muaj 5 xyoo rov saud. Tej ntaub ntawv tshawb fawb los ntawm Pfizer qhia pom tias koob tshuaj no yeej nyab xeeb thiab ua haujlwm zoo los tiv thaiv cov menyuam me uas muaj 5 xyoos. Lwm hom npe tshuaj tseem tab tom tshawb fawb lawv koob tshuaj tiamsis tsis tau txais kev pom zoo siv los ntawm lub U.S. Food and Drug Administration (tsoom fwv lub koom haum saib xyuas zaub mov thiab tshuaj).

## Tseev niamtxiv lossis tus neeg saib xyuas pom zoo thiaj li txhaj tshuaj tau

Cov niamtxiv lossis tus neeg saib xyuas yuav tsum pom zoo es thiaj li txhaj tau koob tshuaj COVID-19 rau cov menyuam muaj 5-17 xyoo, tshwj tsis yog nyob rau tej tug thiaj tsis tas kom niamtxiv pom zoo. Mus xyuas txhooj cai Minnesota Statutes, ntu 144.341 mus txog 144.347. Peb txhawb kom cov niamtxiv lossis tus neeg saib xyuas mus rau hnuv nav maim txhaj tshuaj mus kawm paub txog koob tshuaj COVID-19 thiab mus tso cai rau lawv tus menyuam los hno koob tshuaj.

Yog tias leej niam leej txiv/tus neeg saib xyuas mus tsis tau nrog tus menyuam, ces nug tus kws txhaj tshuaj seb lawv qhov txheej txheem tso cai txhaj tshuaj yog li cas thiab yuav mus nyeem daim ntawv qhia txog Emergency Use Authorization (EUA, kev tso cai siv rau xwm txheej ceev): [Pfizer-BioNTech COVID-19 Vaccine EUA Fact Sheet for Recipients and Caregivers 12 years of age and older \(kev cai siv rau cov muaj 12 xyoos rov saud\) \(www.fda.gov/media/153716/download\)](#) or [Pfizer-BioNTech COVID-19 Vaccine EUA Fact Sheet for Recipients and Caregivers 5-11 years of age \(kev cai siv rau cov muaj 5-11 xyoos\) \(www.fda.gov/media/153717/download\)](#). Qhov no zoo li tej ntaub ntawv qhia txog koob tshuaj ua ntej yuav mus txhaj. Ua tib zoo nyeem kom koj nkag siab thiab seb puas teb tau koj tej lus nug. Tej qhov chaw uas lub xeev tsim tsa los txhaj tshuaj, yuav tsum muaj leej niam leej txiv lossis tus neeg saib xyuas nyob ntawd rau tus menyuam uas yog 15 xyoos rov hauv.

## Nrhiav sijhawm mus txhaj Pfizer koob tshuaj COVID-19

Koob tshuaj COVID-19 yog dawb rau txhua tus. Koj siv tau daim duab qhia kev nyob hauv [COVID-19 Vaccine for Children and Teens \(koob tshuaj rau cov menyuam\) \(mn.gov/vaxforkids\)](#) los mus nrhiav tej chaw uas muaj koob tshuaj COVID-19. Ua ntej koj mus, ua tib zoo xyuas seb thaj chaw ntawd puas muaj koob tshuaj Pfizer raws li koj tus menyuam hnuv nyoog. Koob tshuaj rau cov muaj 5 txog 11 xyoos muaj tshuaj tsawg dua li Pfizer koob uas txhaj rau cov muaj 12 xyoos rov saud. Tsis yog txhua qhov chaw txhaj tshuaj yuav muaj koob tshuaj txhaj rau cov muaj 5 txog 11 xyoos.

Koj mus nrhiav sijhawm nav maim koob tshuaj COVID-19 rau ntawm [Vaccines.gov](#) thiab los ntawm tej chaw haujlwm saib xyuas kev noj qab nyob zoo hauv zej zog rau ntawm [Minnesota: Nrhiav Chaw Txhaj Tshuaj \(prepmo.health.state.mn.us/clinic/search\)](#). Ob lub vas sab no yuav cia koj xaiv thiab lim tawm raws hom npe koob tshuaj raws li koj nij.

PFIZER KOOB TSHUAJ COVID-19 RAU COV TSIS TAU MUAJ 18 XYOO



Minnesota Department of Health | [health.mn.gov](https://health.mn.gov) | 651-201-5000  
625 Robert Street North PO Box 64975, St. Paul, MN 55164-0975

Tiv tauj [health.communications@state.mn.us](mailto:health.communications@state.mn.us) yog xav tau cov ntaub ntawv no sau ua lwm hom. (Hmong)